

大智度論

第三

二百八  
聖三

48839



藏書印



大智度論卷第三

龍樹菩薩造

姚秦三藏法師鳩摩羅什譯



聖

釋初品中住王舍城第五

住王舍城云何名住四種身儀坐卧行住是名住王舍城又以怖魔軍眾自令弟子歡喜入種種諸禪定故在中住復次三種住天

住梵住聖住六種欲天住法是為天住梵天

等乃至非有想非無想天住法是名梵住諸

佛辟支佛阿羅漢住法是名聖住是三住法

中住聖住法憐愍眾生故住王舍城問曰何

以不直說般若波羅蜜法而說佛住王舍城

答曰說方時人令人心生信故復次布施持

戒善心三事故名天住慈悲喜捨四無量心  
故名梵住空無相無作是三三昧名聖住聖  
住法佛於中住復次四種住天住梵住聖住  
佛住三住如前說佛住者首楞嚴等諸佛無  
量三昧十力四無所畏十八不共法一切智  
等種種諸慧及八万四千法藏度人門如是  
等種種諸佛功德是佛所住處佛於中住略  
說住竟王舍城者問曰如舍婆提迦毗羅波  
羅柰大城皆有諸王舍何以故獨名此城爲  
王舍答曰有人言是摩伽陀國王有子一頭  
兩面四臂時人以爲不祥王即裂其身首棄  
之曠野羅刹女鬼名梨羅還合其身而乳養

之後大成人力能并兼諸國王有天下取諸國王万八千人置此五山中以大力勢治閻浮提閻浮提人因名此山為王舍城復次有人言摩伽陀王先所住城城中失火一燒一作如是至七國人疲役王大憂怖集諸智人問其意故有言應易處王即更求住處見此

五山周帀如城即作宮殿於中止住以是故名王舍城復次往古世時此國有王名婆藪心獸世法出家作仙人是時居家婆羅門與諸出家仙人共論議居家婆羅門言經書云天祀中應殺生噉肉諸出家仙人言不應天祀中殺生噉肉共諍云云諸出家婆羅門言

此有大王出家作仙人汝等信不諸居家婆  
羅門言信諸出家仙人言我以此人為證後  
日當問諸居家婆羅門即以其夜先到婆藪  
仙人所種種問已語婆藪仙人明日論議汝  
當助我如是明日論時諸出家仙人問婆藪  
仙人天祀中應殺生噉肉不婆藪仙人言婆  
羅門法天祀中應殺生噉肉諸出家仙人言  
於汝實心云何應殺生噉肉不婆藪仙人言  
為天祀故應殺生噉肉此生在天祀中死故  
得生天上諸出家仙人言汝大不是汝大妄  
語即唾之言罪人滅去是時婆藪仙人尋陷  
入地沒踝是初開大罪門故諸出家仙人言

汝應實語若故妄語者汝身當陷入地中婆  
藪仙人言我知為天故殺羊噉肉無罪即復  
陷入地至膝如是漸漸稍沒至腰至頸諸出  
家仙人言汝今妄語得現世報更以實語者  
雖入地下我能出汝今得免罪亦時婆藪仙  
人自思惟言我貴重人不應兩種語又婆羅門  
四圍陀法中種種因緣讚祀天法我一人死當  
何足計一心三言應天祀中殺生噉肉無罪諸  
出家仙人言汝重罪人摧去不用見汝於是  
舉身沒地中從是以來乃至今日常用婆藪  
仙人王法於天祀中殺羊當下刀時言婆藪  
殺汝婆藪之子名曰廣車嗣位為王後亦厭

世法而復不能出家如是思惟我父先王出  
家生入地中若治天下復作大罪我今當何  
以自處如是思惟時聞空中聲言汝若行見  
難值希有處汝應是中作舍住作是語已便  
不復聞聲未經幾時王出田獵見有一鹿走  
疾如風王便逐之而不可及遂逐不止百官  
侍從無能及者轉前見有五山周而峻固其  
地平正生草細爽好華遍地種種林木華菓  
茂盛溫泉浴池皆悉清淨其地莊嚴處處有  
散天華天香聞天伎樂尔時軋闍婆伎適見  
王來各自還去是處希有未曾所見今我正  
當在是中作舍住如是思惟已群臣百官尋

跡而到王告諸臣我前所聞空中聲言汝行  
若見希有難值之處汝應是中作舍住我今  
見此希有之處我應是中作舍住即捨本城  
於此山中住是王初始在是中住從是已後  
次第止住是王先起造立宮舍故名王舍城  
略說王舍城竟

者闍崛山中者闍名鷲崛名頭問曰何以名  
鷲頭山答曰是山頂似鷲王舍城人見其似  
鷲故共傳言鷲頭山因名之為鷲頭山復次  
王舍城南尸陀林中多諸死人諸鷲常來噉  
之還在山頭時人便名鷲頭山是山五山中  
最高大多好林水聖人住處問曰已知者闍崛

山義佛何以故住王舍城諸佛法普慈一切  
如日照万物無不蒙明如漚祇尼大城富樓  
那跋檀大城阿藍卑多羅大城弗迦羅婆多  
大城如是等大城多人豐樂而不住何故多  
住王舍城舍婆提少於婆羅奈迦毗羅婆瞻  
婆婆翅多拘睨鞞鳩樓城等雖有住時多住

王舍城舍婆提云何知多住二處見佛諸經  
多在二城說少在餘城答曰佛雖大慈等及  
以漚祇尼等諸大城是邊國故不住又彌離  
車弊惡人多善根未熟故如偈說

如日光等照

華熟則時開

若華未應敷

則亦不強開

佛亦復如是

等心而說法

善根熟則敷

未熟則不開

以是故世尊

住三種人中

利智善根熟

結使煩惱薄

復次知恩故多住王舍城舍婆提城問曰云

何知恩故多住二城答曰憍薩羅國是佛所

生地如佛答頻婆娑羅王偈說

有妙好國土在於雪山邊

豐樂多異寶

名曰憍薩羅

日種釋諸子

我在是中生

心厭老病死

出家求佛道

又是憍薩羅國王波斯匿王住舍婆提大城

中佛為法主亦住此城二王應住一處故多

住舍婆提問曰若知恩故多住舍婆提者迦

毗羅婆城近佛生處何不多住答曰佛諸結

盡無復餘習近諸親屬亦無異想然釋種弟子多未離欲若近親屬則染著心生問曰何以不護舍婆提弟子而多住舍婆提荅曰迦毗羅婆弟子多佛初還國迦葉兄弟千比丘本修婆羅門法苦行山間形容憔悴父王見之以此諸比丘不足光飾世尊即選諸釋貴人子弟兼人少壯戶遣一人強令出家其中有善心樂道有不樂者此諸比丘不應令還本生處舍婆提弟子輩不尔以是故佛多住舍婆提不多住迦毗羅婆復次出家法應不近親屬親屬心著如火如虵居家婆羅門子爲學問故尚不應在生處何況出家沙門復次

舍婆提城大迦毗羅婆不介舍婆提城九億  
家是中若少時住者不得度多人以是故多  
住復次迦毗羅婆城中佛生處是中人已久  
習行善根熟利智慧是中佛少時說法不須  
久住度已而去舍婆提人或初習行或久習  
行或善根熟或善根未熟或利根或不利根  
多學種種經書故研心令利入種種邪見網  
中事種種師屬種種天雜行人多以是故佛  
住此久如治癰師知癰已熟破出膿與藥而  
去若癰未熟是則久住塗熨佛亦如是若弟  
子善根熟教化已更至餘處若可度弟子善  
根未熟則須久住佛出世間正為欲度衆生

著涅槃境界安隱樂處是故多住舍婆提不  
多住迦毗羅婆佛於摩伽陀國丘連禪河側  
漚樓頻螺聚落得阿耨多羅三藐三菩提成  
就法身故多住王舍城問曰已知多住王舍  
城舍婆提因緣於此二城何以多住王舍城  
答曰以報生地恩故多住舍婆提一切衆生  
皆念生地如偈說

一切論議師

自愛所知法

如人念生地

雖出家猶諍

以報法身地恩故多住王舍城諸佛皆愛法  
身如偈說

過去未來現在諸佛皆供養法師敬尊重

法身於生身勝故二城中多住王舍城復次  
以坐禪精舍多故餘處無有如竹園鞞婆羅  
跋怒薩多般那求呵因陀世羅求呵薩鞞怒  
魂直迦鉢婆羅耆闍崛五山中有五精舍竹  
園在平地餘國無此多精舍舍婆提一處祇  
洹精舍更有一處摩伽羅母堂更無第三處

波羅柰斯國一處鹿林中精舍名梨師槃陀那  
毗耶離二處一名摩訶槃二名狻猴池岸樓  
舍鳩睺弥一處名劬師羅園如是諸國或一  
處有精舍或空樹林以王舍城多精舍坐禪  
人所宜故多住此復次是中有富那羅等六  
師自言我是一切智人與佛為對及長抓梵

志婆蹉姓拘迦那大等皆外道大論議師及長者尸利崛多提婆達多阿闍世等是佛怨家不信佛法各懷妬嫉有是人輩故佛多住此譬如毒草生處近邊必有良藥又如偈說譬如師子百獸之王為小虫吼為眾所笑若在虎狼猛獸之中奮迅大吼智人所可諸論議師如猛虎在此眾中無所畏大智慧人多見聞在此眾中最第一以是大智多聞人皆在王舍城故佛多住王舍城復次頻婆娑羅王到伽耶祀舍中迎佛及除結髮千阿羅漢是中佛為王說法得須陀洹道即請佛言願佛及僧就我王舍城盡

形壽受衣被飯食卧具醫藥給所當得佛即  
受請是故多住王舍城復次閻浮提四方中  
東方爲數始以日出故次第南方西方北方東  
方之中摩伽陀國最勝摩伽陀國中王舍城最  
勝是中有十二億家佛涅槃後阿闍世王以  
人民轉少故捨王舍大城其邊更作一小城  
廣長一由旬名波羅利弗多羅猶尚於諸城  
中最大何況本王舍城復次是中人多聰明  
皆廣學多識餘國無此復次佛豫知釋提桓  
因及八万諸天應在摩伽陀國石室中得度  
有人應得度者待時待處待人乃能得道是  
釋提桓因因緣應在摩伽陀石室中得道是

故佛多住王舍城復次摩伽陀國豐樂乞食  
易得餘國不如以三因緣故一者頻婆娑羅  
王約勅宮中當作千比丘食二者樹提伽雖  
人中生常受天樂又多富貴諸優婆塞三者  
阿波羅羅龍王善心受化作佛弟子除世飢饉  
故常降好雨是故國豐如佛涅槃後長老摩  
訶迦葉欲集法思惟何國豐樂乞食易得疾  
得集法如是思惟已憶王舍城中頻婆娑羅  
王約勅常設千比丘食頻婆娑羅王雖死此  
法不斷是中食易得易可集法餘處無如是  
常供若行乞食時諸外道來共論議若共論  
議集法事廢若不共論便言諸沙門不如我

如是思惟擇取最上千阿羅漢將就耆闍崛  
山集結經藏如阿含及毗尼中說言毗耶離  
國時亦有飢餓如降難陀婆難陀龍王經中說  
舍婆提國飢餓餘諸國亦時時有飢餓摩伽  
陀國中無是事以是故知摩伽陀國豐樂乞  
食易得復次王舍城在山中閑靜餘國精舍  
平地故多雜人入出來往易故不閑靜又此  
山中多精舍諸坐禪人諸聖人皆樂閑靜多  
得住山佛是聖人坐禪人主是故多住王舍  
城問曰若住王舍城可奈何以不多住竹園  
而多住耆闍崛山荅曰我已荅聖人坐禪人  
樂閑靜處問曰餘更有四山鞞婆羅跋耆等

何以不多住而多在者闍崛山荅曰耆闍崛山於五山中最勝故云何勝耆闍崛山精舍近城而山難上以是故雜人不來近城故乞食不疲以是故佛多在耆闍崛山中不在餘處復次長老摩訶迦葉於耆闍崛山集三法藏可度衆生度竟欲隨佛入涅槃清朝著衣持鉢入王舍城乞食已上耆闍崛山語諸弟子我今日入無餘涅槃如是語已入房結跏趺坐諸無漏禪定自熏身摩訶迦葉諸弟子入王舍城語諸貴人知不尊者摩訶迦葉今日入無餘涅槃諸貴人聞是語皆大愁憂言佛已滅度摩訶迦葉持護佛法今日復欲入無

餘涅槃諸貴人諸比丘晡時皆共集耆闍崛  
山長老摩訶迦葉晡時從禪起入衆中坐讚  
說無常說一切有爲法因緣生故無常本無  
今有已有還無故無常因緣生故無常無常  
故苦苦故無我無我故有智者不應著我所若  
著我所得無量憂愁苦惱一切世界中心應  
厭求離欲如是種種說世界中苦開導其心  
令入涅槃說此語竟即著從佛所得僧伽梨  
持衣鉢捉杖如金翅鳥現上昇虛空四種身  
儀坐卧行住一身現無量身滿東方世界於  
無量身還爲一身身上出火身下水身上  
出水身下水出火南西北方亦如是衆心厭世

歡喜已於耆闍崛山頭與衣鉢俱作是願言  
令我身不壞弥勒成佛我是骨身還出以此  
因緣度衆生如是思惟已直入山內如入軟  
泥入已山還合後人壽八万四千歲身長八  
十尺時弥勒佛出佛身長百六十尺佛面二  
十四尺圓光十里是時衆生聞弥勒佛出無  
量人逐佛出家佛在大衆中初說法時九十  
九億人得阿羅漢道六通具足第二大會九  
十六億人得阿羅漢道第三大會九十三億  
人得阿羅漢道自是已後度無數人尔時人  
民久後懈怠弥勒佛見衆人如是以足指扣  
開耆闍崛山是時長老摩訶迦葉骨身著僧

伽梨而出禮弥勒足上昇虚空現變如前即  
於空中滅身而般涅槃尔時弥勒佛諸弟子  
恠而問言此是何人似人而小身著法衣能  
作變化弥勒佛言此人是我過去釋迦文后佛  
弟子名摩訶迦葉行阿蘭若少欲知足行頭  
陀比丘中第一得六神通共解脫大阿羅漢  
彼時人壽百年少出多減以是小身能辦如  
是大事汝等大身利根云何不作如是功德  
是時諸弟子皆慚愧發大厭心弥勒佛隨眾  
生心爲說種種法有人得阿羅漢阿那含斯  
陀含須陀洹有種種辟支佛善根有得無生法  
忍不退菩薩有得生天人中受種種福樂以

是故知是耆闍崛山福德吉處諸聖人喜住  
處佛為諸聖人主是故佛多住耆闍崛山復  
次耆闍崛山是過去未來現在諸佛住處如  
富樓那經中說佛語富樓那若使三千大千  
世界劫燒若更生我常在此山中一切衆生  
以結使纏縛不作見佛功德以是故不見我  
復次耆闍崛山清淨鮮潔處三世佛及諸菩  
薩更無是處是故多住耆闍崛山復次諸摩  
訶衍經多在耆闍崛山中說餘處說少何以  
故是中清淨有福德閑靜故一切三世諸佛  
行處十方諸菩薩亦讚歎恭敬此處諸天龍  
夜叉阿修羅迦留羅軋闍婆甄陀羅摩睺羅

伽等大力衆神守護供養恭敬是處如偈說  
是耆闍崛山 諸佛聖所處 覆蔭一切故  
衆苦得解脫

復次是中十方無量智慧福德力大菩薩常  
來見釋迦牟尼佛禮拜恭敬聽法故佛說諸  
摩訶衍經多在耆闍崛山諸摩訶衍經般若

爲大云何不住耆闍崛山略說耆闍崛山竟  
大智度論釋初品中共摩訶比丘僧第六  
共名一處一時一心一戒一見一道一解脫  
是名爲共摩訶比丘僧摩訶秦言或大或多  
或勝云何大一切衆中上故一切障礙斷故  
天王等大人恭敬故是名爲大云何多數至

五千故名爲多云何勝一切九十六種外道  
論議能破故名勝云何名比丘比丘名乞士  
清淨活命故名爲乞士如經中說舍利弗入  
城乞食得已向壁坐食是時有梵志女名淨  
目來見舍利弗問舍利弗言沙門汝食耶荅  
言食淨目言汝沙門下口食耶荅言不姉仰  
口食耶不方口食耶不四維口食耶不淨目  
言食法有四種我問汝汝言不我不解汝當  
說舍利弗言有出家人合藥種穀植樹等不  
淨活命者是名下口食有出家人觀視星宿  
日月風雨雷電霹靂不淨活命者是名仰口  
食有出家人曲媚豪勢通使四方巧言多求

不淨活命者是名方口食有出家人學種種  
呪術卜筮吉凶如是等種種不淨活命者是  
名四維口食姊我不墮是四不淨食中我用清  
淨乞食活命是時淨目聞說清淨法食歡喜信  
解舍利弗因為說法得須陀洹道如是清淨  
乞食活命故名乞士復次比丘名破丘名煩惱  
能破煩惱故名比丘復次出家人名比丘譬  
如胡漢羗虜各有名字復次受戒時自言我  
是某甲比丘盡形受持戒故名比丘復次比  
名怖丘名能怖魔王及魔人民當出家剃頭著  
染衣受戒是時魔怖何以故怖魔王言是人  
必得入涅槃如佛說有人能剃頭著染衣一

心受戒是人漸漸斷結離世入涅槃云何名  
僧伽僧伽秦言衆多比丘一處和合是名僧  
伽譬如大樹叢聚是名爲林一一樹不名爲  
林除一一樹亦無林如是一一比丘不名爲  
僧除一一比丘亦無僧諸比丘和合故僧名  
生是僧四種有羞僧無羞僧啞羊僧實僧云  
何名有羞僧持戒不破身口清淨能別好醜  
未得道是名有羞僧云何名無羞僧破戒身  
口不淨無惡不作是名無羞僧云何名啞羊  
僧雖不破戒鈍根無慧不別好醜不知輕重  
不知有罪無罪若有僧事二人共諍不能斷  
決默然無言譬如白羊乃至人殺不能作聲

是名啞羊僧云何名實僧若學人若無學人  
住四果中行四向道是名實僧是中二種僧  
可共百一羯磨說戒受歲種種得作是中實  
聲聞僧六千五百菩薩僧二種有羞僧實僧  
聲聞一種謂實僧以是實僧故餘皆得名僧以  
是故名僧大數五十分者云何名大數少過  
少減是名爲大數云何名分多衆邊取一分  
是名分是諸比丘千萬衆中取一分五千以  
是故名五十分皆是阿羅漢云何名阿羅漢  
阿羅名賊漢名破一切煩惱賊破是名阿羅  
漢復次阿羅漢一切漏盡故應得一切世間  
諸天人供養復次阿名不羅漢名生後世中

更不生是名阿羅漢諸漏已盡者三界中三種漏已盡無餘故言漏盡也無復煩惱者一切結使流受扼縛蓋見纏等斷除故名無煩惱也心得好解脫慧得好解脫者問曰何以說心得好解脫慧得好解脫答曰外道離欲人一處一道心得解脫非於一切障法得解

重  
卷  
第  
一  
章  
第  
一  
節

脫以是故阿羅漢名心得好解脫慧得好解脫復次諸阿羅漢二道心得解脫見諦道思惟道以是故名心得好解脫學人心雖得解脫非好解脫何以故有殘結使故復次諸外道等助道法不滿若行一功德若行二功德求道不能得如人但布施求清淨如人祀天

言能脫憂衰能得常樂國中生亦更有言八  
清淨道一自覺二聞三讀經四畏內苦五畏  
大衆生苦六畏人天苦七得好師八布施但說  
第八名清淨道復次有外道但布施持戒說  
清淨有但布施禪定說清淨有但布施求智  
慧說清淨如是等種種道不具足若無功德  
若少功德說清淨是人雖一處心得解脫不  
名好解脫涅槃道不滿足故如偈說  
無功德人不能渡  
生老病死之大海  
少功德人亦不渡  
善行道法佛所說  
是中應說須跋陀梵志經須跋陀梵志年百  
二十歲得五神通阿那跋達多池邊住夜夢

見一切人失眠躑躅形冥中立日墮地破大海  
水竭大風起吹須彌山破散覺已恐怖思惟  
言何以故尔我命欲盡若天地主欲墮猶豫  
不能自了以有此惡夢故先世有善知識天  
從上來下語須跋陀言汝莫恐怖有一切智  
人名佛後夜半當入無餘涅槃是故汝夢不  
爲汝身是時須跋陀明日到拘夷那竭國樹  
林中見阿難經行語阿難言我聞汝師說新  
涅槃道今日夜半當取滅度我心有疑請欲  
見佛汝我所疑阿難荅言世尊身極汝若難  
問勞擾世尊須跋陀如是重請至三阿難荅  
如初佛遙聞之勅語阿難聽須跋陀梵志來

前自在難問是吾末後共談最後得道弟子  
是時須跋陀得前見佛問訊世尊已於一面  
坐如是念諸外道輩捨恩愛財寶出家皆不  
得道獨瞿曇沙門得道如是念竟即問佛言  
是閻浮提地六師輩各自稱言我是一切智  
人是語實不尔時世尊以偈荅曰

我始年十九

出家學佛道

我出家已來

已過五十歲

淨戒禪智慧

外道無一分

少分尚無有

何況一切智

若無八正道是中無第一果第二第三第四  
果若有八正道是中有第一果第二第三第  
四果須跋陀是我法中有八正道是中有第一

道果第二第三第四道果餘外道法皆空無  
道無果無沙門無婆羅門如是我大衆中實  
作師子吼須跋陀梵志聞是法得阿羅漢道思  
惟言我不應佛後般涅槃如是思惟竟在佛  
前結跏趺坐自以神力身中出火燒身而取  
滅度以是故佛言無功德少功德是助道法  
不滿皆不得度佛說一切功德具足故能度  
弟子譬如小藥師以一種藥二種藥不具足  
故不能差重病大藥師葦具足衆藥能差諸  
病問曰若一切三界煩惱離故心得解脫何  
以故佛言染愛離心解脫荅曰愛能繫閉心  
有大力以是故說不說餘煩惱愛斷餘則斷

復次若人言王來知必有將從染愛亦如是  
又如捉巾一頭餘則盡隨愛染亦如是愛斷  
則知餘煩惱皆已斷復次諸結使皆屬愛見  
屬愛煩惱覆心屬見煩惱覆慧如是愛離故  
屬愛結使亦離得心解脫如是無明離故屬  
見結使亦離得慧解脫復次是五千阿羅漢

應不退法得無生智以是故言心得好解脫  
慧得好解脫不退故退法阿羅漢得時解脫  
如勛提迦等雖得解脫非好解脫以退法故其  
心調柔者若有恭敬供養瞋恚罵詈搥打者  
心等無異若得珍寶瓦石視之一等若有持  
刀斫截手足有持梅檀塗身亦等無異復次

姪欲瞋恚憍慢疑見根本已斷故是謂心調  
柔濡復次是諸阿羅漢欲染處不染應瞋處  
不瞋癡處不癡守護六情以是故名心調柔  
濡如偈說

人守護六情

如好馬善調

如是實智人

諸天所敬視

諸餘凡人輩不能守護六情欲瞋慢癡疑見  
不斷故不調柔如惡弊馬以是故諸阿羅漢  
名心調柔濡摩訶那伽者摩訶言大那名不  
伽名罪阿羅漢諸煩惱斷以是故名不罪  
復次那伽或名龍或名象是五千阿羅漢諸  
阿羅漢中最大力以是故言如龍如象水行

中龍力大陸行中象力大復次如善調象王  
能破大軍直入不迴不畏刀杖不難水火不  
走不退死至不避諸阿羅漢亦復如是修禪  
定智慧故能破魔軍及諸結使賊罵詈搥打  
不悔不恚老死水火不畏不難復次如大龍  
王從大海出起於大雲遍覆虛空放大電光  
明照天地注大洪雨潤澤万物諸阿羅漢亦  
復如是禪定智慧大海水中出起慈悲雲潤及  
可度現大光明種種變化說實法相兩弟子  
心令生善根所作已辦者問曰云何名所作  
云何名已辦荅曰信戒定捨等諸善法得故  
名爲所作智慧精進解脫等諸善法得故是

名已辦二法具足滿故名所作已辦復次諸  
煩惱有二種一種屬愛一種屬見屬愛煩惱  
斷故名所作屬見煩惱斷故名已辦復次色  
法善見故名所作無色法善見故名已辦可  
見不可見有對無對等二法亦如是復次不  
善無記法斷故名所作善法思惟故名已辦  
聞思慧成就故名所作思惟慧成就故名已  
辦種種三法亦如是復次燻法頂法忍法卍  
間第一法得故名所作苦法忍等諸無漏善  
根得故名已辦見諦道得故名所作思惟道  
得故名已辦成學道得故名所作無學道得  
故名已辦心解脫得故名所作慧解脫得故

名已辦漏盡故名所作得共解脫故名已辦  
一切結使除故名所作得非時解脫故名已  
辦自益利竟故名所作利益他人故名已辦  
如是等所作已辦義自在說棄擔能擔者五  
衆麁重常惱故名爲擔如佛所說何謂擔五  
衆是擔諸阿羅漢此擔已除以是故言棄擔  
能擔者是佛法中二種功德擔應擔一種自  
益利二種益利他一切諸漏盡不悔解脫等  
諸功德是名自利益信戒捨定慧等諸功德  
能與他人是名利益他人是諸阿羅漢自擔  
他擔能擔故名能擔復次譬如大牛壯力能  
勝重載此諸阿羅漢亦復如是得無漏根力

覺道能擔佛法大事擔以是故諸阿羅漢名能擔逮得己利者云何名己利云何非己利行諸善法是名己利諸餘非法是名非己利復次信戒捨定慧等諸功德一切財寶勝故今世後世常得樂故能到甘露城故三因緣故是名己利如信品中偈說

若人得信慧  
不及是法寶

是寶最第一

諸餘世財利

復次若人今世得樂後世得樂及得涅槃常樂是名己利餘非己利如偈說

世知種種無道法  
當求正智要道法

與諸禽獸等無異

得脫老死入涅槃

復次八正道及沙門果是名諸阿羅漢已利  
是五千阿羅漢得道及果二事俱得故名已  
利以是故言逮得已利盡諸有結者三種有  
欲有色有無色有云何欲有欲界繫業取因  
緣後世能生亦是業報是名欲有色有無色  
有亦如是是名爲有結盡者結有九結愛結  
恚結慢結癡結疑結見結取結慳結嫉結是  
結使盡及有是有盡及結使以是故名有結  
盡問曰諸阿羅漢結使應永盡得一切煩惱  
離故有不應盡何以故阿羅漢未滅度時眼  
根等五陰十二入十八界諸有成就故荅曰  
無所妨是果中說因如佛語檀越施食時與

五事命色力樂膳食不能必與五事有人太  
得飲食而死有人得少許食而活食爲五事  
因是故佛言施食與五事如偈說

斷食死無疑

食者死未定

以是故佛說

施食與五事

亦如人食百斤金金不可食金是食因故言

食金佛言女人爲戒垢女人非戒垢是戒垢  
因故言女人爲戒垢如人從高處墮未至地  
言此人死雖未死知必死故言此人死如是  
諸阿羅漢結故已盡知有必當盡故言有結  
盡正智已得解脫者如摩提提梵志弟子舉  
其尸著床上昇行城市中多人

口若有

眼見摩捷提尸者是人皆得清淨道何況禮拜供養者多有人信其言諸比丘聞是語白佛言世尊是事云何佛說偈言

小人眼見求清淨

如是無智無實道

諸結煩惱滿心中

云何眼見得淨道

若有眼見得清淨

何用智慧功德寶

眼見求淨無是事

智慧功德乃爲淨

以是故言正智得解脫問曰諸阿羅漢所作已辦更不求進何以故常在佛邊不餘處度衆生荅曰一切十方衆生雖盡應供養佛阿羅漢受恩重故應倍供養所以者何是阿羅漢從佛得成受無量功德知結使斷信心轉

多是故諸大德阿羅漢佛邊受功德樂味供  
養恭敬報佛恩故在佛邊住諸阿羅漢圍遶  
佛故佛德益尊如梵天人遶梵天王如三十  
三天遶釋提桓因如諸鬼神遶毗沙門王如  
諸小王遶轉輪聖王如病人病愈住大醫邊  
如是諸阿羅漢住在佛邊諸阿羅漢圍遶供養  
故佛德益尊問曰若諸阿羅漢所作已辦逮  
得已利不須聽法何以故說般若波羅蜜時  
共五千阿羅漢荅曰諸阿羅漢雖所作已辦  
佛欲以甚深智慧法試如佛問舍利弗如波  
羅延經阿耨陀難中偈說  
種種諸學人 及諸數法人  
是人所行法

願為如實說

是中云何學人云何數法人介時舍利弗默然如是三問三默佛示義端告舍利弗有生不舍利弗荅大德有生有生者欲為滅有為生法故名學人以智慧得無生法故名數法人是經此中應廣說復次若有漏若無漏諸禪

定未得故欲得已得欲令堅深故諸阿羅漢佛邊聽法復次現前樂故如難陀迦經中說以今世樂故聽法復次諸阿羅漢在佛邊聽法心無厭足如蜚盧提迦經中說舍利弗語蜚盧提迦我法中聽法無厭復次如佛大師自一心從弟子邊聽法不應難言阿羅漢所

作已辦何以聽法譬如飽滿人得好食猶尚  
更食云何飢渴人而言不應食以是故諸阿  
羅漢雖所作已辦常在佛邊聽法復次佛住  
解脫法中諸阿羅漢亦住解脫法中住法相  
應眷屬莊嚴如栴檀譬喻經中說有栴檀林  
伊蘭圍之有伊蘭林栴檀圍之有栴檀栴檀  
以爲叢林有伊蘭伊蘭自相圍遶佛諸阿羅  
漢亦復如是佛住善法解脫中諸阿羅漢亦  
住善法解脫中住法相應眷屬莊嚴佛以大衆  
圍遶如須彌山王十寶山圍遶如白香象王  
白香象圍遶如師子王師子衆圍遶佛亦如  
是佛爲世間無上福田與諸弟子圍遶供住

唯除阿難在學地得須陀洹者問曰何以言  
唯除阿難答曰上所讚諸阿羅漢阿難不在  
其數何以故以在學地未離欲故問曰大德  
阿難第三師大衆法將種涅槃種已無量劫  
常近佛持法藏大德利根何以至今未離欲  
作學人答曰大德善阿難本願如是我於多  
聞衆中最第一亦以諸佛法阿羅漢所作已  
辦不應作供給供養人以其於佛法中能辦  
大事煩惱賊破共佛在解脫床上坐故復次  
長老阿難種種諸經聽持誦利觀故智慧多  
攝心少二功德等者可得漏盡道以是故長  
老阿難是學人須陀洹復次貪供給出尊故

是阿難爲佛作供給人如是念若我早取漏  
盡道便遠世尊不得作供給人以是故阿難  
雖能得阿羅漢道自剃不取復次處時人未  
合故何等處能集法千阿羅漢未在耆闍崛  
山是爲處世尊過去時未到長老婆耆子不  
在以是故長老阿難漏不盡要在世尊過去  
集法衆令婆耆子說法譏諫三事合故得漏  
盡道復次大德阿難馱世法少不如餘人是  
阿難世世王者種端正無比福德無量世尊  
近親常侍從佛必有此念我佛近侍知法寶  
藏漏盡道法我不畏失以是事故不大慙懃盡  
漏問曰大德阿難名以何因緣是先世因緣是

父母作字是依因緣立名。答曰：先世因緣亦父母作名，亦依因緣立字。問曰：云何先世因緣？答曰：釋迦文佛先世作瓦師，名大光明。爾時有佛，名釋迦文，弟子名舍利弗。曰：伽連阿難佛與弟子俱到瓦師舍，一宿。爾時瓦師布施草坐、燈明、石蜜漿三事供養佛及比丘僧。便發願言：我於當來老病死惱五惡之世，作佛。如今佛名釋迦文，我弟子名字亦如今佛弟子。以佛願故，得字阿難。復次阿難世世立願：我在釋迦文佛弟子多聞衆中，願最第一。字阿難。復次阿難世世忍辱除瞋，以是因緣。故生便端正。父母以其端正見者，皆歡喜。故

字阿難阿難者秦言歡喜是爲先世因緣字  
云何父母作字昔有日種王名師子頰其王  
有四子其第一名淨飯二名白飯三名斛飯  
四名甘露飯有一女名甘露味淨飯王有二子悉  
達陀難陀白飯王有二子跋提提沙斛飯王  
有二子提婆達多阿難甘露飯王有二子摩

聖大智度論三卷

王

摩

訶男阿泥盧豆甘露味女有一子名施婆羅  
是中悉達多菩薩漸漸長大棄轉輪聖王位  
夜半出家往溫樓鞞羅國中居連禪河邊六  
年苦行是時淨飯王愛念子故常遣使問訊  
欲知消息我子得道不若病若死使來白王  
菩薩唯有皮骨筋相連持身命甚微弱若今

日若明日不復久也王聞其言甚大愁念沒  
憂惱海我子既不作轉輪王又不得作佛一  
何衰苦無所得而死如是憂惱荒迷憤塞是  
時菩薩棄苦行處食百味乳糜身體充滿於  
足連禪水中洗浴已至菩提樹下坐金剛處  
而自誓言要不破此結跏趺坐成一切智不  
得一切智終不起也是時魔王將十八億衆  
到菩薩所敢與菩薩決其得失菩薩智慧力  
故大破魔軍魔不如而退自念菩薩叵勝當  
惱其父至淨飯王所詭言汝子今日後夜已  
死了王聞此語驚怖墮床如熱沙中魚王哭  
而言

阿夷陀虛言 瑞應亦無驗 得利之吉名

一切無所獲

是時菩提樹神大歡喜持天曼陀羅華至淨

飯王所說偈言

汝子已得道 魔眾已破散 光明如日出

普照十方土 歡喜得大利 解脫一切苦

今得轉法輪 無所不清淨

王言前有天來言汝子已死汝今來言壞魔

得道二語相違誰可信者樹神又言實不妄

語前天者詭言已死是魔懷嫉故來相惱今

日諸天龍神華香供養空中懸繒汝子身出

光明遍照天地王聞其言於一切苦惱心得

聖方外 卷之三

解脫王言我子雖捨轉輪聖王今得法轉輪  
王定得大利無所失也心大歡喜是時斛飯  
王家使來白淨飯王言貴弟生男王心歡喜  
言今日大吉是歡喜日語來使言是兒當字  
爲阿難是爲父母作字云何依因緣立名阿  
難端正清淨如好明鏡老少好醜容貌顏狀  
皆於身中現其身明淨女人見之欲心即動  
是故佛聽阿難著覆肩衣是阿難能令他人  
見者心眼歡喜故名阿難於是造論者讚言  
面如淨滿月 眼若青蓮華 佛法大海水  
流入阿難心 能令人心眼 見者大歡喜  
諸來求見佛 通現不失宜

如是阿難雖能得阿羅漢道以供養佛故自  
不盡漏以此大功德故雖非無學在無學數  
中雖未離欲在離欲數中以是故數爲五千  
以實未是阿羅漢故言唯除阿難

大智度論釋初品中四衆品第七

復有五百比丘居優婆塞優婆夷皆見聖蹟

問曰何以諸比丘五千餘三衆各五百答曰  
女人多短智慧煩惱垢重但求喜樂愛行多  
故少能斷結使得解脫證如佛說是因緣起  
法第一甚深難得一切煩惱盡離欲得涅槃  
倍復難見以是故女人不能多得不如比丘  
優婆塞優婆夷有居家故心不淨不能盡漏

正可得四聖諦作學人如偈說

孔雀雖有色嚴身

不如鴻鴈能遠飛

白衣雖有富貴力

不如出家功德勝

以是故諸比丘居雖出家棄世業智慧短是  
故有五百阿羅漢比丘居白衣二衆居家事  
據故得道者少亦各五百問曰如五千阿羅漢

讚三衆何以不讚答曰大衆已讚則知餘亦  
讚復次若別讚外道輦當訶言何以讚比丘  
居生誹謗故若讚白衣當言爲供養故以是  
故不讚問曰諸餘摩訶衍經佛與大比丘衆  
俱或八千人或六万十万人俱是摩訶般若若  
波羅蜜經諸經中第一大如嚮累品中說餘

經悉忘失其罪少少失般若波羅蜜一句其  
罪大多以是故知般若波羅蜜經第一大是  
第一經中當第一大會何以故聲聞衆數少  
正有此丘五千比丘居優婆塞優婆夷各五  
百荅曰以是大經甚深難解故聲聞衆少譬  
如王有真寶不示凡人示大人信愛者如王  
謀議時與諸大臣信愛智人共論諸餘小臣  
則不得入復次是六千五百人盡得道雖不  
盡解甚深般若波羅蜜皆能信得無漏四信  
故餘經聲聞衆雖大多雜不盡得道復次是  
中先讚千萬阿羅漢中擇取最勝五千人比  
丘居優婆塞優婆夷亦尔勝者難得故不多

大智度論卷第三

楞嚴上郎登反婆藪下音祀音似唾十卧反陷聲咸宇聖去

踝胡反嗣位上音田獵下音峻私反就音睽就音

式漆反熨烏物反簸必簡反揚揚反劬音奮音迅上音方

閨私反晡必蒲反扣音碎上音磨上音扼音縛音

曲媚下眉反羌虜上音錫上音磨上音扼音縛音

厄郎果反輶下音媛二同舉音行音

醫鑿二同類古叶斛胡反憤上音塞古音糜音

密碑反叵死反我詭居委反繒疾陵反懷其去音

八

八

